

Эсэгэ ороноо, эхэ нютагаа эб хамта мандуулая!

БҮРЯАД АЙМАГЫН ТАВГАМ

Бүгэдэ арадай сонин

1998

сентябриин

15

Намарай эхин
сагаан бишэн
нарын
25
гарагай 3
ВТОРНИК
№ 169 (20010)
Газетын сэн хэлсээтэ

1921 оной
декабриин
21-һээ гарана

ПРАВИТЕЛЬСТВЫН ХҮДЭЛМЭРИЙН ДОЛООН ХОНОГ

Нийтэ республиканска хэмжээ ябуулганууд
Сентябриин 15. Буряад Республикын
Правительствын заседани.

Буряад Республикын Президент-
Правительствын Түрүүлэгшэ А.В.ПОТАПОВ:
Сентябриин 14. Республикын барилгын
комплексын хүдэлмэрийн 1998 оной түрүүшын
хахад жэлэй дүнгүүдээр зүблөөн.

Сентябриин 15. Аймагай захиргаануудай
толгойлогшонортой зүблөөн.

Хурамхаанай ба Баргажанай аймагуудта
ажалай хэрэгээр ошолго.

Правительствын Түрүүлэгшын Нэгдэх
орлогшо В.К.АГАЛОВ

Сентябриин 14. Инвестиционно
проектнүүдээр конкурсын комиссиин зүблөөн.

Сентябриин 15. Аймагай захиргаануудай
толгойлогшонортой зүблөөн.

Сентябриин 17. Предприятинуудые хубилган
шэнэдхэлгын талаар комисси.

Правительствын Түрүүлэгшын орлогшонор:
А.Ю.НАЛЁТОВ

«1998 оной республиканска бюджет тухай»
Буряад Республикын Хуулида хубилалта,
нэмэлтэнүүдые оруулха тухай» Хуулиин проект
бэлдэлгэ.

1999-2001 онуудта республика дотор
бюджетүүд хоорондын харилсаануудые хубилган
шэнэдхэлгын хараа бодомжо бэлдэлгэ.

Түбһөө үгтэһэн зээлинүүдые, тэдэнэй
процентнүүдые, гүрэн доторой үри болгожо
буридуулхэ талаар олзын хэрэг эрхилэлгын
банкнүүдэй, тоосоной-кассова түбүүдэй
хүдэлмэрийе эмхидхэлгэ.

Хүдөө ажахын хаһа сагуудай гаргашада тусхай
жасаһаа үгтэһэн хүнгэлэлтэтэй зээлинүүдые
зорилгоорнь ашагалгыг шалгалта.

Е.К.ХАНХАЛАЕВ

Сентябриин 15. Наһа гүйсөөгүй хүүгэдэй
хэрэгүүдэй талаар комисси.

Зохёохы ажалай дэлгүүрэй гол шухала шэнэ
зүйлнүүд тухай театруудай директорнүүдэй
соведэй зүблөөн.

Сентябриин 16. Улаан-Удын хүүгэдэй
байшангуудта, интернат байшангуудта ошолго.

Президентын ба Правительствын нэрэтэ
стипендинүүдээр хүдэлмэрийн зүблөөн.

Сентябриин 15-16. Гүрэнэй санэпидхиналтын
албанай врачнуудай республиканска семинар.

Сентябриин 17. Элүүрые хамгаалгын
министерствын коллегии.

Хубийн асуудалаар эрхэтэдые хүлээн абалга.

Элүүрые хамгаалгын министерствын
коллегийн болон гүрэнэй санэпидхиналтын түбэй
хамтын заседани.

Сентябриин 18. Соёлой министерствын
аттестационно комиссиин заседани.

В.В.ПЕРЕЛЯЕВ

«Ажамидарал хангалгын болон социальна
налбарийн предприятинуудай зөөриие налогой
полициар хиналтада абаха тухай хэрэгүүдые
харалгын гурум тухай» республикын
Правительствын тогтоолой проект бэлдэлгэ.

Сентябриин 15-16. Байгал далайн уһа сахилгын
зонодо хотонуудые барилгын кадастр эрхилхэ
талаар Эрхүүгэй областин Архитектурын ба
хотонуудые барилгын управлениин
түлөөлэгшэдтэй зүблөөн.

Авиазавадой посёлогые уһаар хангалгын
газарнуудай санитарна харууһалгын зонуудые
комплексноор шалгалта.

«Гэр байрын-коммунальна аша туһануудай
түлөө түлбэринүүдые тус тус ушарнуудта
илгаатайгаар тодорхойлох тухай» республикын
Правительствын тогтоолой проект бэлдэлгэ тухай.

П.М.БОЛОНЕВ

2000 он хүрэтэрхи үедэ АПК-е
тогтониторжуулгын тусхай зорилготой программа
бэлдүүлхэ талаар хэмжээ ябуулгануудые бэлдэлгэ.

Республикын газар дайдада эбэртэ бодо малай
тахалай үрэ хүрэнгэ нэбтэрүүлгыг нэргылхэ
хэмжээ ябуулгануудые эмхидхэхэ тухай
республикын Правительствын захиралтыг
гүйсэдхэлгын хойноһоо хиналта.

1995-1998 онуудай эд бараанай зээлинүүдые
бусааха талаар хүдөө ажахын үйлэбэришэдтэй
хүдэлмэри.

Президентын болон Правительствын
хэблэлэй албан.

Буряад Республикын Правительствын Тогтоол

ЭРДЫНЕЕВ К.Д., ДЫРХЕЕВ В.А. ТУХАЙ

Буряад Республикын Правительство иигэжэ тогтооно:

1. лунгамал тушаалда ороһонтойнь дашарамдуулан, ЭРДЫНЕЕВ
Ким Дашинимавичы Буряад Республикын финансын министрэй
орлогшын тушаалһаа 1998 оной сентябриин 1-һээ сүлөөлхэ.

2. ДЫРХЕЕВ Виктор Антоновиче Буряад Республикын
финансын министрэй орлогшын тушаалда 1998 оной сентябриин
14-дэ томилхо.

Буряад Республикын Президент-
Правительствын Түрүүлэгшэ А.В.ПОТАПОВ.

Буряад Республикын Президентын ба Правительствын
Хэрэгүүдые эрхилэгшэ -

Захиргаанай хүтэлбэрилэгшэ Н.И.БЫКОВ.
1998 оной сентябриин 9
№ 311.

Буряад Республикын Президентын Зарлиг

Г.Т.ИЛЬИН ТУХАЙ

Буряад Республикын гүйсэдхэлгын засагай зургаануудай
байгууламжые хубилган шэнэдхэлгэтэй дашарамдуулан, «Буряад
Республикын гүйсэдхэлгын засагай зургаануудай байгууламжа
тухай» Буряад Республикын Президентын Зарлигтай болон Гүрэнэй
зөөри эрхилхэ талаар Буряад Республикын комитэдые хубилган
шэнэдхэлгэтэй зохиладуулан, иигэжэ тогтооно:

1. ИЛЬИН Геннадий Тарасовиче - Гүрэнэй зөөри эрхилхэ
талаар Буряад Республикын комитэдэй түрүүлэгшые эзэлжэ байһан
тушаалһаа 1998 оной сентябриин 8-һаа Россин Федерациин КЗОТ-
ой 33-дахи статьягай 1-дэхи пункттын үндэһөөр сүлөөлхэ.

2. Г.Т.Ильиндэ комитет хубилган шэнэдхэлгэтэй холбоотой
социальна лаб хангалтануудые Россин Федерациин КЗОТ-ой 40-2
статьягай зохиладуулан түлэхэ.

3. Гар табиһан саһаа Зарлиг хүсэндөө орохо.

Буряад Республикын Президент А.В.ПОТАПОВ.
Улаан-Удэ,
Правительствын байшан
1998 оной сентябриин 8
№ 177.

Буряад Республикын Президентын Зарлиг

В. А.ПОЛЮТОВ ТУХАЙ

1. ПОЛЮТОВ Владимир Александровиче Буряад Республикын
Правительствын Түрүүлэгшын орлогшын - Гүрэнэй зөөри эрхилхэ
талаар Буряад Республикын Гүрэнэй комитэдэй түрүүлэгшын
уялануудые гүйсэдхэгшөөр томилхо.

2. Гар табиһан саһаа Зарлиг хүсэндөө орохо.

Буряад Республикын Президент А.В.ПОТАПОВ.
Улаан-Удэ,
Правительствын байшан
1998 оной сентябриин 8
№ 178.

ГАЗАРАЙ НАЛОГ ДЭЭШЭЛБЭ

Ашаглагдадаггүй гү, али
тусхай зорилгоороо
ашаглагдадаггүй газарай
участогуудай түлөө газарай
налогой шэнэ ставканууд
Буряад Республикын
Президентын Зарлигаар
сентябриин 1-һээ тогтоогдоно.
Гэр байрын фондын, хубийн
болон кооперативна
гаражуудай эзэлдэг хотын
(посёлогой) дэбисхэрэй хилэ
доторхи участогуудта 2 гэхэн
коэффициент, бусад түхэлэй

газарай участогуудта 4 гэхэн
коэффициент тогтоогдоо.

1998 оной найман нарын
түлөө нёдондо жэл хүсэндөө
байһан газарай налогой
ставканууд болон дунда зэргын
хэмжээнүүд хэрэглэгдэхэ.

Ставкануудай индексацилга
Россин Федерациин
Президентын Зарлигтай
зохиладуулан хэгдээ.

СОЛОТОНОЙ НЭРЭМЖЭТЭ

«Буряад Республикын
гүрэнэй политическэ, нийтын

ажал ябуулагшадай нэрэнүүдые
гудамжануудта, талмайнуудта,
хото тосхонуудай бусад
хубинуудта олгохо тухай дүрим»
республикын Правительство
баталаа. Элитэ ажал
ябуулагшадай нэрэнүүдимагтал
наһа бараһанай һүүлээр, мүн
нүгшэһэн саһаа арбан жэлэй
үнгэрһэн хойно нютагай
өөһэдын хүтэлбэрийн
зургаануудай хэрэг барилгаар
олгогдодог болохо.

Президентын болон
Правительствын хэблэнэй
албан.

БҮГЭДЭ ОЛООРОО ХАМНАЛСАЯЛ

Мүнгэ суглуулхын тула «Үерһөө хохидоһон Буряад Республикын
хүн зондо туһаламжа үзүүлгын жаса» гэхэн тусхай дугаар
нээгдэнхэй:

Р/с 40703810100000000004

Министерство социальной защиты населения и труда
Республики Бурятия, «Фонд помощи населению, пострадавшему
от наводнения».

БИК 048242001 ГРКЦ НБРБ ИНН 0323080765
Президентын болон
Правительствын хэблэлэй албан.



Уулзалгада Түнхэнэй аймагай өөхэдэн хүтэлбэрин захиргаанай толгойлогшо Б.Ш.Ускеев байлсажа, эрдэмтэниие нютагаа урихан байна.

- Би Түнхэн, Аха нютагуудта дуратайб. Энээнхээ урда А.Л.Ангархаевтай Чингисэй шэрээдэ сэргэм үргөө нэм. Мүнөө ажалаараа поэт Баяр Дугаровтай Ахаар ябаад, бусаха замдаа Түнхэндэ буужа тогтохоб, танай

МАНАЙ АЙЛШАН - ДЭН ПЛАМЛИ

Паяхан «Буряад үнэн» сонинной редакцида холын гэхэдэ, дэлхэйн нүгөө талын, харин Буряад оронтой яһала танил дүтэ болоһон һонирхолтой хүн айлшалба. Энэ хэн бэ гэхэдэ, Байгал шадарай газар уһа зүбөөр, ашагтайгаар эдлэхэ, байгаали хамгаалха талаар Дэвисэй уласхоорондын комплексно Программые бээлүүлхэ талаар Ахын проектын директорээр Америкын зүгһөө 6 жэлэй туршада ажаллаһан Дэн Пламли болоно. Энэ хугасаада эрдэм-шэнжэлгын, практическашье горитой хүдэлмэри хэжэ үрдиһэн байна. Жэшээлхэдэ, аглаг үндэр Ахада хэр уһаа үсхэбэрилэгдэжэ байһан оронууд (ахынхяар сагаан)

табряд онуудаар үрэнэ таһалагдаһан байгаа. Дэн Пламлин үүсхэл оролдолгоор (мүнгыень дааһан байха) Тофалариһаа хүрэг оронууд асарагдажа, мүнөө Ахада үсхэбэрилэгдэжэ байнхай. Мүнөө үедэ Дэн Пламли «Хүбсэгэл-Байгал» гэнэн уласхоорондын проект табиха хэрэгтэ соёлой болон экологиин талаар бээе даанги консультантаар хабаадалсажа байна. Айлшан Росси болон Монгол гүрэнүүдэй һонирхол татаха ёһотой энэ проектын шухала асуудалнууд тухай, США-гай Адирондаск болон Түнхэнэй Үндэнэтэнэй паркнуудай хоорондо холбоо байгуулха тухай дэлгэрэнгыгээр хөөрөө.

аймагай 75 жэлэй ойн баярые хубаалдаха байһандаа баяртайб, - гэжэ Дэн мэдүүлбэ.

Эдэ үдэрнүүдтэ болоһон «Байгал - дэлхэйн уг баялигай хуби» гэнэн уласхоорондын симпозиумдо тэрэ хабаадалсажа, элидхэл хэнэн байна.

Л.ТАПХАЕВ.

ЗУРАГ ДЭЭРЭ: Түнхэнэй аймагай захиргаанай хэрэгүүдые эрхилэгшэ Ж.Д. Юбухаев, Дэн Пламли, Түнхэнэй Үндэнэтэнэй паркын хүдэлмэрилэгшэ Л.М.Ермакова, Буряадай Уран зохёолшодой холбооной правлениин түрүүлэгшэ Б.С.Дугаров.

А.БАТОМУНКУЕВАЙ фото.

АДЕНАУЭРАЙ НЭРЭМЖЭТЭ

Сентябриин 10-11-дэ Баруун Германиин Генеральна канцлер байһан Конрад Аденауэрай нэрэмжэтэ жасын гэшүүдэй хабаадалгатайгаар эмхидхэгдэһэн «Партинууд болон демокрадууд» гэнэн темээр семинар Улаан-Үдэдэ үнгэргэгдэбэ. Дайнай һүүлээрхи жэлнүүдтэ пэргэсгдэһэн, һалбаран хүгжэһэн энэ гүрэнэй амжалтада тус хүтэлбэрилэгшын оруулһан хубита ехэ байһан юм.

Москвада байгуулагдаһан К.Аденауэрай нэрэмжэтэ жасын түлөөлэлгын хүтэлбэрилэгшэ, господин Герд Дитер Боссен эндэ хабаадажа, жасын гэшүүдэй ябуулжа байһан ажал, уг зорилгонууд тухай хөөрөжэ үгөө. «Демократис гүрэндэ

политическэ партинуудай үүргэ ба удхашанар» гэнэн темээр Германиин Верховно Федеральна сүүдэй судья, госпожа Ламберт-Ланг-Хайди, мүн тиэхэдэ «Федеральна гүрэндэ политическэ партинуудай эмхидхэл ба бүридхэл» гэнэн темээр Европын Советтэ ФРГ-гэй түлөөлэгшэ, господин Кохаус Иохан гэгшэд элидхэбэ.

Манай республикын политическэ хүдэлөөнэй байдалтай айлшадые БГУ-гай түүхын эрдэмэй доктор Борис Петрович Крянев танилсуулаа. Дээрэ нэрлэгдэһэн асуудалнуудаар һонирхолтой хөөрөлдөөн болоо.

Валерия НАМСАРАЕВА.

«ХҮДӨӨЛҮҮЛХЭН» ТҮХЭРИГ АМИДЫН ШЭНЖЭ ҮЗҮҮЛБЭ

Һаянай Россин түхэриг бууража (американ нэг доллар = 20,82 россин түхэригтэ хүрбэ), гүрэн доторнай экономика, политическэ кризис тогтожо, хүнүүдые айлгаад, мэгдүүлээд, үймүүлээд абаа. Нэгэ үедэ эхэдэмнай, хари гүрэнүүдэй үйлэдбэрин зүйлнүүдэй сэнгүүд ургаада, айдаһа хүрэмэ хэмжээндэ тулажа ершоо һэн: ургамалай тһон - 40 түхэриг, килограмм рис - 9 түхэриг, саахар - 9 түхэриг, «ЛМ» тамхин - 23 түхэриг... Заримдаа манайшье гүрэнэй үйлэдбэрин зүйлнүүдэй сэнгүүд бидэ юугээрээ дутаа юмбиди гэнэндэл, адли дэбхэрэлдээ абалсадаг байгаа. Энэ үедэ юун болоогүйб даа? Олонхи наймаашад магазин,

киоск, павильонуудаа долларой бүри үнэтэй болохые хүлээхэ зорилготойгоор хаагаадшые үзөө. Наймааша хитадууднайшые үсөөршөө. Харин зоной дуида ерээдүй байдал тухай эдэб янзын һураг, һанамжа, бодолнууд түргэн гэгшээр тараадхөө һэн. Нэгэнэй хэлһээр, доллар 50 түхэригтэ болохо ёһотой бэлэй. Зариман гүрэндэмнай дайн эхилжэ, 2000 ондо дэлхэй дээрхи ажаמידара таһалдахань гэлсээ. Суута мэдэлшэдэй үгүүлэлнүүдые бултыень дурдажа, хайшаа, ямар гүрэн руу нүүхэ тухайгаа хэлсээдшые абаһан зон байһан байха.

Зарим хүнүүд энэ тэрэ юумэ багса багсаар, хайрсаг хайрсагаар худалдажа абаад, хүшэр

сагууд болотор хадагалаа. Һайн юумэниинь гэхэдэ, мүнэгүйдэһэн тамхиншангууднай уушхана хүхэ утаагаар багаар хангаа, тамхи татахана болиһон хүнүүдые бии хэбэртэй.

Зүгөөр «бурхан хаража», буураһан түхэригнай «хүдөөлүүлэгдээд» байһан аад, амидыржа эхилбэ. Үнгэрэгшэ четвергдэ долларой официална курс 15,77 түхэриг болоо гэжэ тэмдэглэгдэ, харин дэлгүүртэ долларой сэн 10-12 түхэриг болотор унаһан байна.

Мэргэжэлтэдэй тухайлалгаар саашадаа түхэригнай хуушан хэмжээндэ орожо, эдэе хоолой болон үйлэдбэрин зүйлнүүдэй сэнгүүдэй доошолхонь магадгүй.

Дьжит МАРХАДАЕВА.

ОРОНТО

(Замнай)

ҮНГЭРЭГШЭ ЖЭЛЭЙ намар Оронго голойгоо

эхи тахиха гэжэ хэлсээд, Ивалгын дасан ошоожо, Еши-Лодой римбүүшэ багышые бараалхахаданай, сентябриин 30-най үдэр һайн гэжэ хэлэбэ. Дасанһаа залуу хоёр ламбагайнар ошолсог гээ. Цыденэй Бимба Жалсараев Дима хоёр ошолсохо болобо.

«Зорихон хүн бөө болохо, ябаһан хүн яһа зууха» гэнэн урданай үгын ёһоор, хүдөө ажыхын «Оронго» эблэлэй түрүүлэгшэ Дондог Гомбоевич маанадтаа урда, хойноггүй зүдхэдэ мөөртэй СА3-3511 түхэлэй ашаанай машина үгэжэ, 1997 оной сентябриин 29-нэй үглөөгүүр 11 сагта Оронгоһоо гарабабди. Жолоошон Фёдор Петрович Бурлаков, гаражсай диспетчер Сергей Будажанович Сондуев, математикын багша Пүрбэ-Доржсо Цыренжанович Доржиев, шэжесер-механик Виктор Шойжонович Бальжиев болоод, үбгэд: Цыденжан Максаров Цырендоржсо Цыденов (би) хоёр ябалсаабди.

Хурамшада Бурхан шажанай түлөөлэгшэдөөр уулзажа, зорихон хэрэгээ хэлэхэдэмнай, даллага дажсан, мүнэ манда үгөө. Хурамшаһаа хоёр залуу хүбүүд бидэнтэй ябалсаха болобо. Тодорхойлол, шотайг хургуулин физкультурын багша Мүнхэ Пурбуев, нүгөө хүбүүшын - Пүрбэ Гомбоев, Олзондо үбһэнэй бригадада трактораар үбһэ сабиһадаг, арба гаран эсэлдэ агнаһан, Широомхо (бидэнтэй зорихон зүг) өөдэ хуу ябаһан хүбүүн байгаа. Оронгын зээ болодог Пүрбэ Гомбоевичые Олзонһоо абажа гараабди.

Хурамшаһаа 3 час 50 минутада, Олзонһоо 10 хүн болоод, 4 час 20 минутада гарабабди. 1945-1950 онуудта леспромхоз байһан, мүнөө Кордон гэжэ нэрэнтэй, Оронгоһоо 30км болохо газарые үгэрбэбди. Харгы муу гэшын хэлсэжэгүй. Хонхор-ёһор, машинанай аргаахан ябанс. Жолоошон хуушанай, царин нягта байжа, 4-5 километр болоод, харгымнай уйтаришаба.

Яба ябаһаар ангуушаддай гэртэ ербэбди. Үдэһын 7 саг боложо байгаа. Кордонһоо 20 километр гэгэһэнэ. Шэрэм пезишнтэй, дулаан гэр байба. Машинаһаа буужа, газар гал түлижэ, сай, эдэсгээ шанабабди. Тэрэ дороол гэрэйнгээ пезиш түлибэбди. Үдэһынгөө хоол бариса, хөөрэлдэһөөр, байтарнай, үдэһын 10 саг болошооба. Долоо лийшн харцын лаамнанай һүүлэмхишгэ носонго. Гэрнай

дулаан болобо. Хоёр үрэдэ табсан дээрэ хоёр хоёророо бэйшмнай газараар хэбтээд амаржа утшиабабди.

Үглөөгүүр нэгэмнай бодожо галаа түлибэ, сайгаа шанабабди. Саг багта булта бодободди. Энэ хоноошо газарнай Оронгоһоо 50 километрхээ үрэн болодог юм. Һүнн бага саһан ороһон байгаа. Далгана, эдэ хүнүһээ бэлдээд, юһэн хүн булта үргэбишнүүдээ үргэжөө, үглөөнтэй 7 саг 30 минутад байраһаа гарабабди. Жолоошон Ф.Н.Бурлаков машинатайа үлөө һэн.

НАМАРАЙ шаарнабишын ольбон Жэмсэй хангалма һайхан үнэр. Гүн хүбишын сээр агаараар амилхада һайхан. Зүүн тээмнай холо бэйс, дорохоно, 3-4 метр үргэн Оронгомнай харьяли, шаашна Гильбэримнай Пүрбэ манай дахууһа. 200-300 метр өөдөө ябаад, дугыгаар Оронгоёо гарабабди. Уһанайнгаа зүүн хажуугаар, хуурай сээр газараар хада өөдэ зүдхэлбэбди. Модод хүндэлэн унаһан хэбтэнэ. Абираад, дамжаһаа гаранабди. 2 километр шахуу ябаад амаржа, нэгэ бага һуубабди. Хоёр үбгэд үргэбишнүүдээ залуу хүбүүдтэ үгэжэ, хүнгэн болободди Саашаа халтидоошоо буугаад, уһанайнгаа эрьсэр галшиабди. Бүтүү шэрэнги соогуур унаһан модо дамжаһаар, абирһаар гара-набди. Саһан ороно. Залуу хүбүүд гүйлөөнд лэ ябишан. Бидэ хойноһоо галшиабди. Гэдэһэн үлдэжэ, ундан хүүрнэ. Урдажа байһан заахан булагуудһаа уугаадшые абаабди.

Хада өөдэ абирнабди, мүлхээдшые үзэнбди. Бэ эсэгдэжэл байна. Хабсагай өөдэ абирхадаа, гэдэргээ һолжороодшые абаабди. Халхируухай гэшын гайтай Саһан орожол байна. Хүбүүдэйнгээ мөрөөр ябахада туһатайшые байна. Табан час дүүрэн ябаабди.

Цыден-Жабни оройдо 400-500 метр хүрэнгүй, аргам һалаба. Бинь нэгэ-хоёр амараад, абиржал ябаабди. Дээрэ тэгшэ болобо. Арба гаран булагууд, дэһнүүн, нойтон. Саашаа харахадан, хүбүүдни галаа түлижэ байһан хэбэртэй. Одоошые гараба гэжэ гүб гэжэ һананаб.

Үндэр добо дороһоо булагууд гарана. Эдэ булагууд доошоо урдаад, нэгэ боложо, Оронго руу ороно. Дэгтэ дээрэ гаража, хүбүүдэйнгээ хажууд ошобоб. Тэдэнэр гал түлээд

сайгаа тахил бааюул « гүбди? һураһаа һүүлээ онууд эхинд гэлсээ Тэрэни хүн ош Дүү тухай мишун Хүбүү сайгаа оробо орожо гэхээ һэтр уяжа таби уншаа бааю дэлхэ дурда эдэсг гайна бари болоо Са абаж суглу тээш час л гарса Жабн эдэсг гал нүхэ байгэ зам таш хай хүб дүм онд Хаб мод хаа гын тал сэх А дах гүн дэг Оро час яба дээ гар доо Үдэ газ соо Ха ду гаа му

ТОЛОЙ ЭХИНДЭ

(тэмдэглэл)

сайгаа шанажа, ламбагайнар тахилаа үргэжээ, сангаа бааюулжээ, бэлдэжээ байгаа хүн.


АЙ БУРХА-ААН, «Хамар-Дабан дээрэ гараба гэжээ гүбди?» - гэжээ хүбүүднээнь хуранаб. «Хаашта засагай үедэ, һүүлээрнышье - 1920-1930 онуудаар мори унажа, эхиндэнь гарадаг байгаа гэжээдэг», - гэжээ хэлэнэб. Тэрэһинээ хойшо тахиха гэжээ хүн ошоогүй байгаа.

Дүүрэн бчас соо 15 километр тухай ябажа, үдэрэй 1 саг 30 минутада тэндээ хүрөөбди. Хүбүүд сайгаа шанажа, халуун сайгаа уужа, эдээлжээ, гол оробо, тэниибэбди. Саһан ороожол байна. Үбэлэй саг гэхээр хүйтэн. Абаашаһан һэтэр һэмжээсэ (зурам бүд) уяжа, далга дажангаа табинабди. Ламбагайнар уншалгаяа эхилбэ. Сангаа хээр бааюуллабди. Орон дайда, дэлхэйгээ, шотаг нугаяа дурдажа, һү сэгээгээ, сагаан эдэгээ үргэнэбди. Ламбагайнартаа үргэл, хадагаа барибабди. Далгаяа хурьлабди. 2 час дүүрэн уншалга болоо.

Сайгаа халаажа эдээлээд, абажа ерэнэн юмгээ хуу суглуулжа, гэдэргээ ябаха тэшигэ түхээрбэбди. Үдэрэй 4 час 10 минутада тэндэһинь гараабди. Урда тэһэн Цыден-Жабтаа халуун сай уулгажа, эдээлүүлжээ, хүбүүд хажуудань гал түлижээ дулаасуулаа, һүрэннай гол ороожо захираабди байгаа. Булта бодожо, бусаха замдаа гарабабди. Хада ташажа буунабди. Халтирууһай гэжэнь хэлэнэгүй. Залуу хүбүүднай манаа барина, дүмэнэ. Ерэнэн газарһаань ондоо тэсгүүр буунабди. Хабсагай шулуун, унаһан модон замыемнай үргэлжээ хаана. Доро буугаад, Оронгыгөө захиар ябанабди. Тэгшэ талмай болон. Харгыгаа эсхэдхэнэ хэбэртэйбди.

Ангууша Пүрбэмнай манаа дахуула. Хоёр-гурбан метр гүнээгэ сөөрэмүүд үзэгдэнэ, дэгүүр, уһан соогуурябанабди. Оронгөө гарабабди, үдэһын 7 час болоо. Хадын хаягаар ябанабди. Унаһан модон дэгүүр дамжана, абираадыһе гарабабди. Нэгэ бага амараад, доошоо ябажал байнабди.

Харанхы болоожо эхилбэ. Үдэһын 9 саг болоо. Уһантай газараар ябанабди. Гутал соомнай уһан орошон. Харанхыда бэе бэе барилсаад дугшанабди. Оронгөө дугьгаар гарабабди. Уһанга гаргаад, мүнөөһил гар гараа барилсан-



хай, хоһоһон гэр тэшигэ дүтэлжээ байтарнай, жолоошомнай буу табиба. Бидэнэр харюудань хаһхарлабабди. Дахин буу табяагүй.

Гэртээ хүрээгэ ерэхэдэмнай, жолоошон манаа хүлээжээ ядаһан, төөришөө гэжэ һанаад, буу табиһан байба ха юм. Фёдор Петрович муухан лаамтаяа носоонхой, гэрнай бүри аятай зохид шэнгээр үзэгдэнэ. Үдэһын 10 саг болоод байгаа. Гэр соо дулаан, сай шанагдаһай. Яаралгүй эдээлжээ амарбабди. Уһа саһан болоһоһон гутал сабхия тайлажа, хуурай ойһо, орё.тоёо һэлээжээ үмдэбэбди. Абажа ошоһон мэшиггүүдээ һүхэ, хүнэг, даха дабишяа, дэбидхэрээ машинада ашабабди. Өһөдөө һуужа, Оронгөө бусаха замдаа гарабабди.

Хурамшаар тойроожо, хоёр хүгүүдээ буулгаад, гэртээ хүрэхэдэмнай, һүниш 3 саг болоожо байгаа.



1998 ОНОЙ ХАБАР Оронгыгөө эхиндэ дахин гаража ерээбди. Буряадаар зунай эһиһа гараад байбаныһе, үшөө хүйтэншээ, тэгд дулаанай хаһын ороһоһой тэмдэг - тал дайда ноогооржээ, хүхы шубуун



донгодоожо, талха таряа тариса дүүргэжээ байгаа. Баһал Ивалгынгаа дасанда үдэр гаргуулаад, хахад нара түхээржээ. май 29-нэй 12 сагта УАЗ-469 машинаар гарабабди. Жолоошон Алдар Запханов, «Оронго» ажыхын барилгын прораб Сергей Будаев, тус ажыхын механизатор Валерий Цыренов, хоёр ламбагайнар:

Бимба Доржиев, Дмитрий Жалсараев, би гээд, баһа ябабабди. Харгыдамнай Хойто - голдо, Кокориһоһо, нёдондо баһа ошолсоһон ангуушан Пүрбэ Гомбоев бидэнтэй хамтараа. Замаа үргэлжээлүүлэн, «Гильбэрэ» кооперативай

Уһаа-Толгойн аришан дээрхи амаралтын байшанда хүрээгэ, зуг татабабди. Модон хүүргээр Оронго голоо гаража, Кордоһоор дайраад, саашаа хүнды өөдө нарин харгыгаар 15-

16 модо ябажа, үдэрэй 4 сагта ангуушанайнгаа гэртэ ерээбди. Гал түлижээ, сайгаа шанаад эдээлбэбди. Тэнгэри сэлмэг, паратай, шубууд эсэргэнэ.

Хөөрэлдэһөөр байтарнай, наран далда оробо. Гэрэһингээ пешээ түлибэбди. Үдэһын 10 сагта амархаяа хэбтэбэбди.

Бимба ламбагайнай үглөөгүүр 5 сагта галаа түлижээ,

Хүбүүднөөшөө хараа, мүргөө. Гэрэй шэнгэн хабсагай, дотороо хүнды, тогоон, тулга, аяга, шаһага байна гэжээ ошоогшоднай хөөрөө.

Хүбүүднэ гал түлижээ, сай гаргаба. Сангаа бааюулбабди. Ламбагайнар тахилаа үргэнэ. Бидэнэр далгаяа табилжа, һэтэр һэмжээсэ уянабди. Эдэһингээ дээжээ үргөөд, өһөдөө һуужа эдээлбэбди. Тиһэгээр ламбагайнарнай уншалгаяа эхилбэ. Бидэнэр сан бааюулжээ, зон шотагаа дурдажа зальбарбабди, далгаяа хурьлабди.

Уншалга мүргэлөө дүүргэжээ, дахин сайгаа шанажа эдээлээд, гал хүлөө унтаргаагаад, үдэрэй 3 саг 40 минутада бусаха замдаа гарабабди. Наратай дулаан үдэр байгаа. Эгсэ хада хабсагай, унаһан модод харгыемнай хаана. Буухада

бүришье хүндэ. Тиһэгээр тэгшэ газарта гаража, хадын хаягаар уһа дэгүүр соогуур голоо урууданабди. 25 минутагүй 8-да балгаанда ерээгэ, хубсаһа хунараа һэлээд, сайгаа шанажа эдээлбэбди. Даха дабишяа, тохон торсогоо машинада ашажа, хоригүй 10 сагта шотаг тэшигэ гарабабди. Хурамшаар тойроожо, ангууша Пүрбээ буулгаад, һүниш 1 сагта гэртээ ерээбди.

Нёдондо намар, байгша хабар Оронгыгөө эхитахиса, түрүүһын зам гаргаһаннай мартагдаһангүй юмэн болоо. Нёдондоһой август нарада ивалгынихид Ивалгынгаа эхи тахья. Тэгэ хүрэтэр баһал 30-40 километр гэлдэнэ.

Өһөдөө иимэ хэрэг бүтээгээд байхадаа, шотаг, аймаг бүхэндэ голойгөө эхитахиса, арюудхажа ерэхэ байгаа гэжээ һанагдаа. Булта голнууднай Байгал далайдаа уһанга шудхана ха юм даа. Тала дайдамнай, агаарнай арюун эбэр болог! Хоёр гол - Оронго, Хурамшяа эсэл бүри тахиса байхабди.

Һанаһан, зориһон хэрэгнай номын ёһоор бүтээгэ гэжээ. Аймаг бүриин зон амгалан ажасууха болтогой!

Цырен-Доржо ЦЫДЕНОВ, Ивалгын аймагай Оронгын Бурхан шаажантанай бүлгэмэй түрүүлэгшэ, 45 жэлдэ механизатораар хүдэлһэн.

ЗУРАГУУД ДЭЭРЭ: Хайшанай хүнды (хабсагай дээрһээ буулгагдаа); ангуушанай гэрэй хажууда; Оронгын эхиндэ ламбагайнар уншалга бүтэнэ.

БАГШЫН
БУЛАН



Россин Федерациин габьяата багша,
педагогикын эрдэмэй доктор
Дамнин Данжаевич ОШОРОВ

УГЫН БҮРИДЭЛДЭ ЫУРГАХА АРГАНУУД ТУХАЙ

(Үргэлжлэл. Эхинийн сентябрин 8-най дугаарта).

Суффикснуудыг урда тээхи үндэһинөөнь ба хойто тээхи залгалтаһаань һалгаан олохо гэшэ гурбадахи болон дүрбэдэхи классай хурагшадта нилээд хүшэр даабари болоно ха юм. Тиймэһээ түрүүн хурагшадта ойлогсотой, үгын бэшэ хубинуудһаа илгахада болон суффикстай үгнүүдһээ эхилээд, хүндэшг суффикстай үгнүүдыг үгэхэ хэрэгтэй.

Буряад хэлэндэ суффикснууд яһала олон ха юм. 5-6 класста үзэгдэдэг «Буряад хэлэн» ном соо юумэний нэрнүүдыг бии болгодог 22 тэмдэгтэй нэрнүүдтэ 14 суффикснууд үгтэхэй. Харин тийхэдэ гурбадахи класста үзэгдэдэг «Буряад хэлэн» ном соо суффикс тухай дүрим үгтөөд, харин суффикснууд нэрлэгдэнэгүй. Тиймэ дээрэһээ ямар, хэды суффикснуудыг үзэхэн мэдэгдэнэгүй. Түрүү багшанарай дүй дүршэл шэнжэлэн үзэхэдөө, гурбадахи класста хэды, ямар суффикснуудыг үзэхэдэ таарамжатайб гэһэн асуудалда харюу бэдэрээ һэмди. Иимэнүүд суффикснуудыг гол түлэб үзэхэдэ таарамжатай гэжэ элирүүлэгдээ.

1. -шан, -шон, -шэн: мал-шан, жолоо-шон, үнээ-шэн.
2. -тан, -тон, -тэн: ахай-тан, Дондог-тон, эрдэм-тэн.
3. -гша, -гшо, -гшэ: хура-гша, отоло-гшо, хэлэ-гшэ.
4. -хан, -хон, -хэн: тугал-хан, сонхо-хон, хүбүү-хэн.
5. -бтар, -бтор, -бтэр: улаа-бтар, ногоо-бтор, нүхэ-бтэр.
6. -та, -то, -тэ: хара-та, тооһо-то, элһэ-тэ.
7. -уур, -үүр: тарм-уур, гэшх-үүр, шэгн-үүр.

Суффикснуудыг илгажа хураһын тула иимэрхүү упражнени хэрэглэхэ.

1. Доро үгтэһэн суффикснуудай хүсөөр шэнэ үгнүүдыг гаргаад, уншажа үгэхэ.
 - а) -шан: ажал, морин, адуун, таряан.
 - б) -тан: Дугар, улаан, сагаан, абгай.
 - в) -хан: хада, хүрээ, шубуун, огород.
 - г) -бтар: сагаан, боро, ногоон, шара.
 - д) -та: саһан, бороон, үүлэн, сээг.

2. Доро үгтэһэн үгнүүдыг самбарта бэшэхэ, буулгажа бэшэхэдэ, суффикснуудыг илгажа. Жэшэнь: хура-гша, заһа-шан.

Үбһэһэн, таряашан, хургагша, хонишон, хүдэлмэришэн, модшон, үхэршэн, тугалшан, эрэгшэн, хулагшан.

«Үгын хуури ба залгалта»

гэжэ темэ бүридэл соо шухала темэнүүдэй нэгэн болоно. Гурбадахи класста хурагшад мэдүүлэл гэжэ темэ үзэхэдөө, үгнүүд хоорондоо удааараа холбоотой байдаг, үгнүүдэй холбоо нэгэ үгтэһөөнь нүгөөдэһэн асуудал табижа элирүүдэг гэжэ мэдэхэ болоһон байна. Харин «Залгалта» гэжэ темэ үзэхэдөө, хурагшад үгнүүдэй хоорондохи холбоо харуулдаг хубинь залгалта гэжэ мэдэхэ болоно. Залгалта хадаа үгын хубилжа байдаг хуби, нэгэ үгынь нүгөөдэһэн холбоһын тула хэрэглэгдэдэг гэһэн ойлогсо абадаг. Багшын зорилго - суффикс залгалта хоёрой үүргыг хурагшадта ойлгуулха ба тэдэниг практика үг сооһоо илгажа шадабаритай болгохо. Энэ темэ үзэхэдөө, үшөө үгын хуури гэжэ юун гэшэб гэһэн ойлгомжо үгтэнэ. Үгын хуури суффикстайше байжа болохо гэжэ хурагшад эли тодоор хадужа абаха ёһотой.

Жэшэнь, «гэртэ оробо» гэжэ мэдүүлэл соо «гэртэ» үгэ -тэ залгалтын хүсөөр «оробо» үгтэй холбоотой болоно, «хаана оробо?» гэһэн асуудалда харюусана. «Машинаар ербэ» гэжэ мэдүүлэл соо машина - хууринь, -аар залгалтань болоно. «Хонишоной байра» гэһэн мэдүүлэл соо хонишон - хууринь, -ой - залгалтань. Энэ хуури соо -шон гэһэн суффикс хурагшадта олгуулха. Иигэжэ үгын хуури суффикстайше, залгалтаттайше байдаг гуримыг хурагшад мэдэжэ абана. Үгэ соо залгалтын орхиодо, үлэһэн хубинь хуури гэшэб гэжэ ойлгуулха.

Мэдүүлэлнүүдыг самбарта бэшэхэ:

1. Миний нүхэр. Энэ миний нүхэрэй ном. Миний нүхэртэ олон ном бии. Шиний нүхэртэй наадаабди. Бадмын нүхэрһөө бэшг өрээ.

Нүхэр гэһэн үгыг түүжэ бэшэхэ, залгалдан хубинууд доогуурнь зураха (нүхэрнай, нүхэртэ, нүхэртэй, нүхэрһөө). Мэдүүлэлнүүд соо ороһон «нүхэр» гэжэ үгэ ямар болооб? Юундэ хубилааб? Удааараа ямар болооб? Ямар асуудалда хабааданаб гэжэ мэтээр багшын туһаламжаар хурагшад тодорхойлоно. Иимэ тобиолол гаргагдана: нүхэр гэжэ үгэ мэдүүлэл бүхэн соо хубилна, тэрэ хубилан хубиень залгалта гэдэг гэһэн ойлогсо үгтэнэ.

Иимэрхүү упражнени дүүргүүлэхэ.

II. Доро үгтэһэн үгнүүдэй залгалтыг хууриһаань илгажа бэшэхэ:

1. Түмэрэй, түмэрыг,

түмэртэй, түмэрһөө.

2. Модонной, модонһоо, модондо, модые.

3. Адуунай, адуунда, адуунһаа, адуунтай.

III. Точконуудай орондо залгалтануудыг нэмэн бэшэхэ. Тугал..., таряан..., морин..., үдэр..., трактор..., самолет..., гахай..., баха..., хургуули..., адуушан..., улаан...

IV. Онһон үгнүүдыг багшын уншажа үгэхэдэ, илгажа хэблэһэн үгнүүдыг түүжэ бэшэхэ, залгалтыг хууриһаань илгажа.

1. Найн хүнигэ һажааха, һалап хүнигэ харааха.
2. «А» үзэг эрдэмэй дээжэ, Аяга сай эдээнэй дээжэ.
3. Эдээр бээ шэмэглэнхаар, Эрдэмээр бээ шэмэглэ.

Дээрэ үгтэһэн онһон үгын уда хурагшадта ойлгуулха, хүмүүжүүлгын хүдэлмэри ябуулха.

Иигэжэ үгын хуури ба залгалта хоёрыг ойлгуулаад, анхан ба гараһан хууринуудтай танилсуулха хэрэгтэй.

Түрүүн иимэ нэгэ мэдүүлэл самбарта бэшэхэ харуулха: Малай хашаа соо малшанай морин байна. Энэ мэдүүлэл сооһоо «малай», «малшанай» гэжэ үгнүүдыг илгажа абаад, хуури залгалта хоёрынь дефисээр таһадуулха. Мал, малшан, - гэжэ хууринуудай тэмдэглэһэн уда шапарынь тодорюулха. Анхан ба гараһан хуури тухай учебник соо үгтэһэн шэнги тобиолол хэхэ. Таблица бэлдээд, хурагшадта харуулха.

Анхан хуури тухай үгын бүридэл

хуури	залгалта
мал-	-
мал-	-ай

Гараһан хуури тухай үгын бүридэл

Гараһан хуури үндэһэн суффикс залгалта	
мал-	-шан
мал-	-шан ай

Хурагшад бэшэмэл хүдэлмэри соогоо үгын анхан хуури соохи б, л, м, р хашалгануудай удаадахи тодо бэшэ түргэн аялганда тон олоор адуунуудыг гаргадаг байна. Жэшэнь, һамган, үбгэн, сэмгэн, тарган, һалгай, малгай, даһан гэхэ мэтэ үгнүүдыг «һамаган», «үбгэн», «сэмгэн», «тараган», «һалагай», «малагай» гэжэ бэшэжэрхинэ.

Дунда классуудай (5-6) хурагшад бэшэмэл хүдэлмэридэ гаргадаг адуунуудыг гүнзэгтөөр шэнжэлһэн эрдэмтэн Б.Б. Батоев өөрынгөө монографи соо иигэжэ бэшэнэ:

«Хурагшад эдэ дүримыг хүсэд

хайнаар ойлгоогүй дээрэһээ л, м, р, б хашалгануудай удаа тодо бэшэ түргэн аялган бэшэжэрхинэ». Тиймын тула учебник соо үгтэһэн дүрим хайнаар ойлгуулха.

Эхин классай хурагшадта энэ дүрим бата бэхээр ойлгуулгын тула хамагай түрүүндэ элдэб янзын упражнени болон зохиохы хүдэлмэри эмхидхэхэ тон шухала.

Иимэрхүү хүдэлмэри үнгэргэхэ хэрэгтэй.

Багша эдэ үгнүүдыг самбарта бэшэжэ үгэхэ, илгажа хэблэһэн хашалгануудыг үнгэтэ (улаан, шара, ногоон) мэдээр илгажа. Ямар хашалгануудай удаа тодо бэшэ аялганууд бэшэгдэнэгүйб гэһэн асуудалда хурагшад харюу үгэхэ.

Арһан, торгон, нарһан, малгай, үлги, һалгай, тамга, һамган, оймһон, даһан, үбһэн.

Доро үгтэһэн үгнүүдыг столбигор илгажа бэшэхэ, илгажа хэблэһэн хашалганай хойно юундэ аялган бэшэгдэнэгүйб гэжэ хэлэжэ үгэхэ гэһэн даабари үгэхэ.

Жэшэнь:

р л м б
зүрхэн толгой тамга үбгэн
Үбгэн, хабһан, суурга, сэргэ,
тархи, дархан, солһон, һалгай,
үбдэг, үбһэн, булган, зомгоол,
нимгэн, зургаан, зүрхэн, хурган.

Онһон үгнүүдыг уншаха. Буулгажа бэшэхэдэ, тодо бэшээр дууладаг аялгантай үгнүүд доогуур зураха, ямар хашалганай хойно аялган бэшэгдэнэгүйб, хэлэжэ үгэхэ.

Аха дүүнэр эбтэй һаа, абдаршы алтан хэрэгтэй.

Ганса хурганһаа арбан хурган хүсэтэй.

Муу үгэ модон хүлтэй, үлүү үгэ үрхэ дээгүүр.

Хүлһэ гаргажа, хүн болохо.

Буулгажа бэшэхэдэ, точконуудай орондо ямар үгэдэ аялган үзэг бэшэгдэнэб, ямар үгэдэ бэшэгдэнэгүйб, хэлэжэ үгэхэ.

1. Доржэ үб...гэн үльгэр хөөрбэ.
2. Ун...гэн мэхэтэй амитан.
3. Бишыхан бас...ган бархирна.
4. Нар...һан модоор гэр баридаг.
5. Миний эжы мал...гай оёбо.
6. Бидэ шан...дага хараабди.

Дороо үгтэһэн үгнүүдыг хэрэглэн, 4 мэдүүлэл зохиохо.

Хэрэглэгдэхэ үгнүүд: торгон, даһан, булган, оймһон, арһан, гүлгэн, харгы, элһэн, малгай.

«Үгын бүридэл» гэһэн темэ тухай тобиолол бэшэгдэбэ. Багшанар манай дурадхан аргануудыг хэшээлдэ хэрэглэжэ, хурагшад айнгаа мэдэсэ, шадабары улам гүнзэгы, бата бөхи болгохо бээ гэжэ найданабди.

ЭГЭТЫН-АДАГТА СУВАРГА

Һаяхан үндэрлөө. Энэ буянтай хэрэгтэ бүхы зон хабаадажа, өөрынгөө мунгэ зөөри оруулаа. Үндэр түрэлтэ Еши-Лодой римбүүшэ түрүүн 3 газарай шорой шэнжэлжэ үзөөд, абарал буулгаа. Еши-Лодой римбүүшэ түрүүтэй бусад санаартан, мүгэ Эгэтын дасанай ламанар энэ суваргын арамнай бүтэһэн байна.

Рэгэн ЭРДЫННОВ,
дайнай болон ажалай ветеран, Буряад Республикын соёлой габьяата хүдэлмэрилгэшэ, РЕДАКЦИЙН АА: Хүндэтэ ветеранай суваргын арамнай тухай эльгэһэн статья «Дүхэригтөө» үгэжэ, уншагшадтаа буянтай энэ үйлэ хэрэг тухай үргэнөөр мэдээсэхэбди.

Соёлой һонин

ЗУНАЙ

ГАСТРОЛЬНУУД...

Зунай үедэ республикымнай мэргэжэлтэ артистнууд харинц оронуудай зонни уран бэлигтэ танилсуудар, фольклорно фестивальнуудта хабаадаг хайхан заншалтай болонхой. Һаяхан «Байгал» гэһэн дуу, хатарай мэргэжэлтэ ансамблин, филармонийн бүлэг артистнууд холын Итали, Хорвати гүрэнүүдээр гастрольдо яһаһаана бусаба. Артистнууд Софья Данзапэ, Аюр Аюшеев, Цыпилма Аюшеева, Лариса Вахрамеева болон бусад бэлигтэн шадабария холын оронуудта гэршэлээ. Тийхэдэ Улаан-Үдэ хотын захиргаанай соёлой таһагай дэргэдэхи «Тоонто» гэһэн фольклорно ансамбль Франциһаа бусаба.

Харин мүнөө үедэ Испанида «Ариг Ус» гэһэн камерна хөөрөө хабаадагшад, бусад уран бэлигтэн гастрольдо үргэлжэлүүлжэ байна.

Сентябрин 21-дэ бэлигтэй поэт (өөрынгөө түрүүшын ном хэблүүлжэ гаргаһан байна), дуушан Валентина Дугаровагай зохиохы үдэшэ үнгэргэгдэхэ юм. «Дружба» гэһэн кино-концертнэ зал (кинотеатр) соо үнгэргэгдэхэ тоосоото концертдэ Бүхэроссин кон-курсин лауреат, гитара дээрэ наададаг Виктор Куржумов хабаадаха. Концертыг Марина Ринчинова хүтэлбэрлэхэ юм. Бэлигма ОРБДОЕВА.

Эмхидхэн байгуулагшад - Буряад Республикын Президент, Арадай Хурал болон Правительство

<p>Ахамад редактор А.А. АНГАРХАЕВ</p> <p>РЕДАКЦИОННО КОЛЛЕГИ: Б.М.Ж.БАЛДАНОВ (ахамад редакторай орлогшо), Г.Х.ДАШЕЕВА (ахамад редакторай орлогшо), Б.В.ГЫНДЫНЦЫРЕНОВ (харюусалгата секретарь), А.Г.ЛУБСАНОВ (Буряад Республикын Арадай Хурал), Д.А.СУНДАРОН, таһагуудыг даагшад: Н.А.НАМСАРАЕВ, Т.В.САМБЯЛОВА, Д.Ш.ХУБИТУЕВ, А.Д.ТАПХАЕВ; В.И.ПИНТАЕВ (хэблээй директор).</p>	<p>Манай адрес:</p> <p>670000, Улаан-Үдэ, Каландаршивилини үйлэ, 23, "Буряад үнэн" газетын редакци.</p>	<p>Газетэ хэблэлтэй 1 хууданан хэмжээтэй. Индекс 50901. Хэбэ. 3.350 (хамта 20.000). Хэблэлдэ тушаагдһан сар 17.00.</p>	<p>"Республиканска типографи" гэһэн АО-до газетэ хэблэлдэ. Директорийн телефон: 21-40-45. Б-0079-дэхи номертойгоор бүридхэлдэ абгэжхэй. Заказ № 8418.</p>
<p>Редакцини телефонууд: ахамад редакторай - 21-50-96, приёмнын - 21-54-54, ахамад редакторай орлогшонорой - 21-68-08, 21-64-36, харюусалгата секретариин - 21-50-52, секретариатай - 21-50-52, таһагууд: экономикын болон политикын - 21-55-97 (даагшань), 21-63-86, соёлой, түүхын болон залуунуудай - 21-54-93 (даагшань), 21-57-63, 21-69-58, 21-60-21, мэдээллий болон рекламн - 21-62-62, 21-67-81, хэблэлэй - 21-33-61, оператор-корректорнүүдэй - 21-61-35, фотокорреспондентнүүдэй - 21-33-61, компьютерна түбэй - 21-66-76, корпусктын - 21-34-05.</p> <p>"Бурятия" хэблэлэй телефонууд: директор - 21-49-94, бухгалтери - 21-23-67, вахта - 21-60-91.</p> <p>Тоонуудай, бодото баримтануудай, хүнэй, шотагай нэрнүүдэй бэшэлыг хазагайруулан ушарта авторнуудынь харюусалгатай. Редакцини һанамжа авторайхитай адли бэшэ байжа магад.</p>			